

Ptače stawiznički – tupifila

Tupifila rěka němsce Gimpel abo tež Dompfaff. A tute mjeno za knjeza Tupifilu dospołnje přitřechi – wón je poměrnje wulki, jakny a do čerwjeneho ornata zdrasćeny. Jeho žónka je tež nadobna, tola jaskrawu čerwjenu barbu je mužik za sebje wobchowal. Po tutej barbje je tupifila něhdy dalše serbske mjeno dóstała – naši prjedownicy mjenowachu ju tež „čerwjeny brjušk“. A woni znajachu za pyšneho ptačka tež mjeno sněhula. Wone zwisuje drje z tym, zo tute ptački w pózdnej nazymje lěsy wopušća a do wsow přińdu – a z nimi přińdže tež přeni sněh!